

Boro John

JOHONNI

GAHAM KHOTHANAI

Jishuni manshi janai

/1 Jajennaiao bathraya don mon, aro bathraya lshorjon
2 logoshe mon, aro bathraya lshor mon. Bio jajennaiao
3 lshorjon logoshe mon. Bijon gashoino jayashoi, aro bijon
4 nonabla janaiphorni munshebo jayakhoi. Biao gothan
5 don mon, aro gothana manshiphorni shran mon. Aro
shrana khomshiao jondono, bobekhani khomshia bikhou
6 layakhoishoi. Shashe manshi jakhanashoi, bio lshorni-
phrai thonhorjadon mon, bini muna John. Bio shakhini
7 thakhoi, shranni munoi shakhi hono phoidon mon,
8 boibo bijon phothainai badi. Bio shran nona mon, bobek-
khani bio shranni munoi shakhi hono phoidon mon.
9 Shaphromnobo shran hogra nongou shrana shonsharao
10 phoihan han mon. Bio shonsharao don mon, aro shonshara
bijon jayashoi, bobekhani shonshara bikhou mithiakhoi-
11 shoi. Bio gaoniphora phoiashoi, bobekhani gaoniphra
12 bikhou najaoakhoishoi. Bobekhani bikhou najaogra mani,
bini munoi phothaigraphorno' bio lshomi bishaphor jano
13 bolo hoashoi. Bishoro thojon nona, bedorni gosho-
jonbo nona, manshini goshojonbo nona bobekhani lshorjon
14 sharijabai. Aro bathraya bedort jayashoi aro jonni
gejerao thaphoiashoi, aro shashe lo sharijanaini Biphani-
phrai monnai shomainai badi jono doyajon aro nongoujon
15 bunjashe bini shomainaikhon nubi. Johona bini thakhoi
shakhi hoashoi aro gabjrinanoi honashoi: "Binino thakhoi
an honbai: Anni unao phoigona anni shigan jabai, manona
16 bio anni shiganao don mon." Manona jono boibo bini bunphob-
17 nainiphrai doyani shayaobo doya monbai. Manona ayena
Moshejon hojadon mon, doya aro nongoua Jishu Khristhojon
18 jabai. Raobo lshorkhou mablalababo nuakhoi. Biphani
phendayao thanai shashe lo sharijanai Bisha houayano
bikhon mithihobai.

Johon bapthishma hograni shiman lanai

19 Judaiariphra, nono shor honnanoi, biniao shonno thakhoi
Jerushalemniphrai douriphor aro Lebiariphorkhou thon-
20 horbla, Jhonui shakhi honaia beno: Obla bio shiman
lananoi pholayakhoishoi, bobekhani bio shiman layashoi:
21 "Ano Khristho nona." Bishoro biniao shonashoi: "Obla
ma? Nono Elia?" Bio honashoi: "An nona." "Nono bi
22 nabi?" Bio bunphinashoi: "Nona." Obla bishoro bikhou
honashoi: "Nono shor? Jono jonkhon thonhorgraphor-
khon bunphinnai badi. Nono gaoni thakhoi ma honna-
23 noi bunon?" Bio honashoi: "Ano photharao shashe gab-
jribairani rao, Jeshai nabia buna' mon badi: Nonshoro
24 Phorbuni lamakhon phendo!" Bishoro Pharishaiphorni-
25 phrai thonhorjadon mon. Aro bishoro biniao shonnanoi
bikhon honashoi: "Nono Khristho nona, Eliabo nona, bi
26 nabibo nonabla, obla non mano bapthishma hoyo?" Jhona
bishorkhon bunphinnanoi honashoi: "Ano doijon bapthish-
ma hoyo, nonshomi gejerao nonshor mithiyoi shashe
27 goshonnanoi don, anni unao phoigonano, ano bini phoithani
28 khanaikhon kheono shomaithao thaonona." Bephoro Jordan
baroi' Bethaniayao jayashoi, Jhona biao bapthishma
29 honai mon. Nokha nainanoi bio Jishukhon gaoniao phoinai
nunanoi honashoi: "Hono naihorth Ishorni borma menda
30 bishaya, bio shonsharni phabkhon banlano!" An binino
thakhoi bundon mon: "Anni unao phoigon manshia anni
31 shigan jabai, manona bio anni shiganao don mon. Ano gaono
bikhon mithiakhoi moa, bobekhani, bio Ishraelniao nujanai
badi, bini thakhoi an doijon bapthishma hoyoi' hoyoi' phoibai."
32 Aro Jhona shakhi honanoi honashoi: "Ano Jiukhon phareo
badi hokhranniphrai onkharnanoi bini shayao thaphoinai
33 nubai, Ano gaono bikhon mithiakhoi mon, bobekhani
ankhon doijon bapthishma hono thonhorgraya ankhon hona'
mon: Nono Jiukhon shorbani shayao onkharbonai aro
thaphoinai nubla, bino Gothar Jiujon bapthishma hograya.
34 Aro ano nubai aro shakhi hobai: Beno Ishorni Bisha houa."
35 Nokha nainanoi Jhon aro bini sholongraphorni shanoia arbao
36 goshonbai thadon mon, aro Jishukhon thabainai nuhurbla,
bio honashoi: "Hono naihorth Ishorni borma menda bishaya!"

Shiganni sholongraphor

37 Aro bi shanoi sholongraphra bikhon bunnai khonannanoi Jishu-

38 ni un un thanphayashoi. Jishua gidinnanoi bishorkhou un un phoinai nunanoi bishorkhou honashoi: "Nonshoro ma naigirdon ? Obla bishoro bikhou honashoi: "Rabbi, dikhanjabla bio guru honjayo, nono bouha thayo?"

39 Bio bishorkhou honashoi: "Phoinaiphoi!" Obla bishoro thananoi bini thagra jaigakhou nuhoiashoi, aro bishoro bi shanao biniao thayashoi. Muga khaoszeni sho' mon.

40 Johonniphrai khonanai aro bini un un thanphanai shanoini

41 shashea Shimon Phethorni phonbai Andreash mon. Bio gaoni bida Shimonkhou mongronanoi bikhou honashoi: "Jono Mashikhou monbai," bio dikhanjabai Khristho.

42 Bio bikhou Jishuniao lanashoi. Jishua bikhou nainanoi honashoi: "Nono Johonni bishajla Shimon, nono Khephash

43 honjagon," bio dikhanjayo Phethor. Nokha nainanoi Jishua Galilao thanno gosho jayashoi, aro bio Philibkhou

44 monnanoi bikhou honashoi: "Anni un un phoido!" Philiba

45 Bethshaidani, Andreash aro Phethorni nogorni mon. Philiba Nathanaelkhou monnaoi bikhou honashoi: "Bini thakhoi Moshejon ayenao aro nabiphorjonbo lirjanaikhouno, Nasha-

46 rethni Jishu, Joshebni bisha houakhou jono monbai." Nathanaela bikhou honashoi: "Nasbarethniphrai maba mojan jano hagou khoma?" Philiba bikhou honashoi: "Phoi naiphoi!"

47 Jishua Nathanaelkhou gaoniao phoinai nunanoi bini thakhoi honashoi: "Hono naihort, bio nongou shashe Ishraelari,

48 biniao sholinai goia!" Nathanaela bikhou honashoi: "Non maboroi ankhou mithikho?" Jishua bunphinnanoi bikhou honashoi: "Philiba nonkhou lina shayao, an nonkhou dumru

49 biphanni shinao thanai nudon mon." Nathanaela bikhou bunphinashoi: "O guru, nonno Ishorni Bisha houa, nonno

50 Ishraeini raja." Jishua bunphinnanoi bikhou honashoi: "An nonkhou dumru biphanni shinao nudon honnanoi, an nonkhou bunnai khai, nono phothaio. Nono biphomi khuroi dershin-

51 phorkhou nugon." Aro bio bikhou honashoi: "Nonthargou, nonthargou an nonshorkhou hono: Nonshoro nokhrankhou geonai aro Ishorni arphophorkhou Manshini bisha houani shayao gakhonai aro orikhamai nugon."

Jishuni maojennai hankho

/2 Shanthamniao Galiini Khana nogorao haba khunshe jaya-2 shoi, aro Jishuni bimaya biao don mon. Jishuabo bini

3 sholongraphrabo bi habayao hankhraiadon mon. Drakha bidoia thoa jabla, Jishuni bimaya bikhou honashoi: "Bishor-

4 ha drakha bidoi goia." Bobekhani Jishua bikhon honashoi: "O ai, nonjon anjon ma? Arini mugaya dabono 5 jathoakhoi." Bini bimaya dao dao khalaigraphorkhou honashoi: "Bi nonshorkhou honnaikhouno khalamdfi!" 6 Biao Judaiariphomi phothamaini huda badi gondo onthaini doini muthikhiphor phojonai don mon, biphoro gonpha 7 gonphayao mohonnoi mohontham janai mon. Jishua bishorkhou honashoi: "Nonshoro doini muthikhiporkhou doijon shophundo !" Aro bishoro biphorkhou rugun shim 8 shophunashoi. Obla Jishua bishorkhou honashoi: "Dano khaonanoi habani gahaino' hoi!" Aro bishoro hoiashoi. 9 Bobekhani habani gahaia bi drakha bidoi janai doikhou shakhibla, aro bobeniphrai jakho, bio bikhon mithiakhoi mon, bobekhani doi khaonai dao dao khalaigraphra mithigou 10 mon, obla habani gahaia houa godankhou linhornanoi bikhon honashoi: "Manshi shaphrombo mojan drakha bidoikhou bulaigroyo,' aro manshiphra phebla, gajrishinkhou bulaio. Nono da shim mojan drakha bidoikhou donbaodon." 11 Jishua hankhophorni be maojennaikhon Galilni Khanayao maonanoi gaoni shomainaikhon dinthiashoi, aro bini sholongraphra bikhon phothaiashoi.

Khapharnahumao

12 Bini unao bio, bini bima, bini phonbaiphon aro bini sholongraphra Khapharnahumao onkharlanashoi, aro bishoro biao shannoi sho' thayashoi.

Gothar nokhou photharnai

13 Judaiariphorni Phaskhaya khathishoi mon, aro Jishua 14 Jerushalemao gakhoshoi. Aro bio moshou, borma menda aro phareo phangraphon aro phaisha sholaigraphorkhou 15 gothar noao jobai thanai monashoi, aro dudun bishaphorjon gonshe bugra khalainanoi bio gashoikhou, borma mendaphorkhoubo moshouphorkhoubo gothar noniphrai huonjobashoi, aro bio phaisha sholaigraphorni phaishaphorkhou shardla- 16 nanoi arangaphorkhou narkhlaiashoi, aro bio phareo phangraphorkhou honashoi: "Bephorkhou beniphrai lan, anni 17 Aphani nokhou phangra no dakhalai!" Obla bini sholongraphra goshokhanashoi, lirnai don honnanoi: "Nonni noni 18 thakhoi gosho gudun janaia ankhon jakhrebgon." Obla Judaiariphra bunjennanoi bikhon honashoi: "Non bephor-

19 khou maonai khai, nono jonno' ma hankho dinthio ?" Jishua bunphinnanoi bishorkhou honashoi: "Be khulumgra no-khou shiphai, aro ano shanthamjon bikhou dikhanphingon."
20 Obla Judaiariphra honashoi: "Khaobroi boshordojon be khulumgra noa lujadon mon, aro nono bikhou shanthamjon
21 dikhanno?" Bobekhani bio gaoni modomni khulumgra
22 noni thakhoi buna' mon. Bio gothoiphomiphrai shikhan-phinbla, bini sholongraphra, bio bikhou buna' mon honnanoi, goshokhanashoi, aro bishoro gothar lirnai aro Jishuni honnai bathrakhou phothaiashoi.

Gobanni phothainai

23 Unao bio Jerushalemao Phaskha phorobao donbla, goban bini maonai hankhophor nunanoi bini munkhou phothaia-
24 shoi. Bobekhani Jishua gaoni thakhoi bishorkhou phothai-akhoishoi, manona bio gaono boikhoubo mithinai mon,
25 aro manshini thakhoi shorba shakhi hono bino' nanakhoi mon, manona manshiniao thanaikhou bio gaono mithinai mon.

Nikhodemjon raijlainai

3 Pharishaiphomi gejerao shashe manshi don mon, bini muna
2 Nikhodem, bio Judaiariphomi shashe gora mon. Bio horao Jishuniao thannanoi bikhou honashoi: "O guru, jono mithigou, norio Ishorniphrai phoinai shashe phorongra honnanoi. Manona Ishora bijon logoao thayabla, raobo non maonai
3 hankhophorkhou maono haya." Jishua bunphinnanoi bikhou honashoi: "Nonthargou, nonthargou an nonkhou hono: Sha-
4 rijaphinabla raobo Ishorni raijokhou nuno haya." Nikhodema bikhou honashoi: "Manshia borainanoi maboroi sharijaphinno hagou? Bio khonshebao gaoni bimani phishakhoao
5 habnanoi sharijaphinno hagou khoma?" Jishua bunphinnashoi: "Nonthargou, nonthargou an nonkhou hono: Doi
6 aro Jiujon sharijaphinabla raobo Ishomi raijoao habno
7 haya. Bedorjon sharijanaia bedort, aro Jiujon sharijanaia
7 jiuano. Nonshorno' sharijaphinno nangou honnanoi, an
8 nonkhou bunnai khai, shomo danan! Bara gaoni gosho janaini thinoi baro, aro nono bini shodobkhou khonayo, bobekhani bio bobeniphrai phoio aro bouha thano honnanoi, nono mithia. Jiujon sharijanai shaphrombo bebadino."
9 Nikhodema bunphinnanoi bikhou honashoi: "Bephoro
10 maboroi jano hagou?" Jishua bunphinnanoi bikhou

honashoi: "Nonno Ishraeini phorongra jananoibo be-
11 phorkhou mithia? Nonthargou, nonthargou an nonkhon
hono: Jon mithinaikhon jono buno, aro jon nunaikhon jono
shakhi hoyo, bobekhoni nonshoro jonni shakhi honaikhon
12 laya. Ano nonshoro' haniphorkhon kothabla, aro non-
shoro phothaiabla, obla an nonshoro' nokhranniphorkhon
13 kothabla, nonshoro maboroi phothaino? Nokhranniphrai
onkharbonai (nokhranao thanai) Manshini bisha houakhon
14 nagarnanoi raobo nokhranao gakhoakhoi. Aro Moshea
photharao jiboukhon dikhana' mon badi, Manshini bisha
15 houaya bibadino dikhanjano nangon, bikhon phothaigra
shaphrombo jobno goioi gothankhon monnai badi. Manona
16 Ishora shonsharkhon eshegrap' onbai, bio gaoni shashe lo
sharijanai Bisha houakhon oroino hobai, bikhon phothaigra
shaphrombo hophaioi badi, bobekhoni jobno goioi gothan-
17 khon monnai badi. Manona Ishora shonsharkhon bishar
khalamno thakhoi Bisha houakhon shonsharao thonhora-
khoi, bo bekhoni shonshara bijon bokhanjanai badi sho'.
18 Bikhon phothaigraya bishar khalamjaya. Bio Ishomi shashe
lo sharijanai Bisha houani munkhon phothaioi khai, bikhon
19 phothaioia bishar khalamkhabai. Aro bishara beno:
Shrana shonsharao phoibai, aro manshiphra shranni khuroi
khomshikhon onshinbai. Manona bishomi habaphra gajri
20 mon. Manona gajrikhon khalaigra shaphrombo shrankhon
mugoio aro shranao thana, bini habaphra shonkharijayoi
21 badi. Bobekhoni nongoukhon khalaigraya shranao thano,
bini habaphra nujanai badi, biphoro Ishorniao maojabai
honnanoi."

Jishuni thakhoi Johon bapthishma hograni shakhi honai

22 Biphomi unao. Jishu aro bini sholongraphra Judai hadorao
thanashoi, aro bio biao bishorjon logoshe thananoi bap-
23 thishma honai mon. Bobekhoni Johonabo Shalimni kha-
thini Ainonao bapthishma honai mon, manona biao goban
doi don mon, aro manshiphra birdao thannanoi bapthishma
24 hojanai mon. Manona Johona hajorao jobjathoakhoi mon.
25 Obla Johonni sholongraphorjon shashe Judaiarion pho-
26 thamaini thakhoi narjiainai jayashoi. Aro bishoro Johonniao
thannanoi bikhon honashoi: "O guru, nai, Jordan baroi' non-
jon logoshe thanai, nonjon shakhi hojanaia bapthishma
27 hoyo, aro boibo biniao thano." Johona bunphinnanoi
honashoi: "Nokhranniphrai bino' hojayabla, manshia muna

28 munshebo lano haya. An Khristho nona, bobekhani an bini shiganao thonhorjabai honnanoi, an bebadi honnaini 29 thakhoi nonshor gaoshorno anni shakhiphor. Hinjao godan gonanano houa godan. Bobekhani houa godanni phishigia goshonnanoi aro binikhou khonashonnanoi houa godanni raoni thakhoi bimaino ronjayo, bini khaino anni ronjanaiano japhunbai.

30 Biha derlanno nangou, bobekhani anha duilanno nangou. Shaniphrai phoinaia boinibo shayao. Haniphrai janaia 31 haniphrai aro haniphorkhou buno. Nokhranniphrai phoinaia 32 boinibo shayao. Bi nunai aro khonanaikhouno bio shakhi 33 hoyo, oblabo raobo bini shakhi honaikhou laya. Bini shakhi honaikhou lagraya, Ishora nongou honnanoi, hankho 34 bukhabei. Manona Ishorjon thonhorjanaia Ishorni bathraphorkhou buno, manona Ishora Jiukhou shunanoi 35 hoa. Biphaya Bisha houakhou ono aro gashoikhoubou bini 36 akhaido hojobbai. Bisha houakhou phothaigraha jobno goioi gothan don, bobekhani Bisha houakhou maniyoya gothankhou nuno monnai nona, bobekhani Ishomi borabnaia bini shayao thayo."

Shamariani hinjao

/4 Phorbua mithibla, Pharishaiphra khonabai mon, Jishua Johonni khuroi banshin sholongraphor khalamo aro bap- 2 thishma hoyo honnanoi, oblabo Jishua gaono bapthishma 3 hoakhoi, bobekhani bini sholongraphra sho', obla bio Judai- 4 khou galannanoi arbao Galilao thanashoi. Bio Shamariani 5 gejerjon thanno nanashoi. Bini khaino bio Jakhob gaoni bishajla Joshebno' oroino honai hu jinao thanai Shamariani 6 Shukhar honjanai monshe nogorao thanashoi. Jakhobni doikhora biao don mon. Jishua thabai' thabai' mennai 7 khaidoikhor jinao joashoi. Mugadonisho' mon. Shamariani shashe hinjao doi khaono biao thanashoi. Jishua bikhou 8 honashoi: "Non anno' lonno hodo!" Manona bini sholongraphra janaiphorkhou baino nogorao thandon mon. 9 Obla Shamariani hinjaoa bikhou honashoi: "Nono Judaiari jananoi maboroi an shashe Shamariani hinjaoniao lonno bio?" Manona Judaiariphra Shamariariphorjon logo la- 10 jlaia. Jishua bunphinnanoi bikhou honashoi: "Nono Ishorni oroino honaikhou aro, non anno' lonno ho honnanoi, nonkhou burigrakhou mithigou mon bla, nono biniao bigou 11 mon, aro bio nonno' gothan doikhou hogou mon." Hinjaoa

bikhou honashoi! "O bigba, nonha khaogra goia, aro doik-
hora gothou. Obla non bi gothan doikhou bobeniphrai
12 monkho? Doikhorkhou jonno' honai jonni apha Jakhobni
khuroi nono dershin khoma? Aro bio gaono, bini bishaphor
13 aro bini moshou moshaphra biniphrai lonnai mon." Jishua
14 bunphinnanoi bikhou honashoi: "Be doikhou longra sha-
phromhabo ganphingon, bobekhani an bino' hogon doikhou
longra shaphromhabo jobthara jashe gantharnai nona, bobek-
khani an bino' hogon doia biniao jobno goioi gothanni thakhoi
15 bohoigra doimu jagon." Hinjaoa bikhou honashoi: "O
bigba, be doikhou anno' ho, anhabo ganoi badi, an beao khao-
16 nobo phoinanoi badi!" Bio bikhou honashoi: "Than,
17 nonni bishaikhou linnanoi beao phoi!" Hinjaoa bunphin-
nanoi honashoi: "Anha bishai goia." Jishua bikhou hona-
shoi: "Anha bishai goia honnanoi, nono mojanai bunbai.
18 Manona nonha shaba bishaiphor jabai mon, aro dano nonha
thanaiabo nonni bishai nona. Bikhou uono nongouoi' bunbai."
19 Hinjaoa bikhou honashoi: "O bigba, an nuyo, nono
20 shashe nabi honnanoi. Jonni aphaphra be hajoao khulum-
nai mon, bobekhani nonshoro hono, manshiphor khulumno
21 nangou jaigaya Jerushalemao don honnanoi." Jishua
bikhou honashoi: "O ai, ankhon phothai, jagon mugayao
nonshoro be hajoaobo Jerushalemaobo Biphakhon khu-
22 lumnai nona. Nonshor mithiyoikhou nonshoio khulumo.
Jon mithinaikhou jono khulumo, manona bokhannaia
23 Judaiariphorniphraio. Bobekhani mugaya janoshoi aro
dano don, obla nongou khulumgraphra Biphakhon jiu aro
nongoujon khulumgon. Manona Biphayabo gaokhou bejadi
24 khulumgraphorkhou naigiro. Ishora Jiu, aro khulumgra-
25 phra jiu aro nongoujon khulumno nangou." Hinjaoa bikhou
honashoi: "Ario mithigou, Khristho honjanai Mashia phoi-
gon bonnanoi. Bio phoibla, bio jonno' gashoikhou khot-
26 gon." Jishua bikhou honashoi: "Nonjon rajilainai ano
27 bino." Oblano bini sholongraphra shohoiashoi, aro bio
shashe hinjaojon rajilainai khai, bishoro shomo nanashoi.
Oblabo raobo honakhoishoi: "Nono ma naigirdon?"
28 Nonabla: "Nono mano bijon rajilaidon?" Obla hinjaoa
gaoni doihukhou galannanoi nogorao thannanoi manshiphor-
29 khon honashoi: "Phoi, an khalamnai manikhou anno'
khotanai manshikhon naiphoi! Bio Khristho khoma?"
30 Obla bishoro nogorniphrai onkhannanoi biniao thanashoi.
31 Biaono sholongraphra biniao khaolainanoi honashoi: "O
32 guru, jado!" Bobekhani bio bishorkhou honashoi:

33 "Nonshor mithiyoi janai munaphor anha don." Bini khaino sholongraphra gaojon gao honjaiashoi: "Shorba bino'
34 janaiphorkhou hophoibai khoma?" Jishua bishorkhou honashoi: "Anni janaia beno: Ankhon thonhorgrani gosho
35 badi maonai aro bini habakhon maojobnaiano. Nonshoro hona khoma: Danbroi donbaoo, obla hanai bothora jayo?
Nai, an nonshorkhou hono: Nonshomi mogonphorkhou dikhannanoi dubUphorkhou naihort, biphoro hanangouni
36 thakhoi phurkhabai! Hagraya monnangoukhon mono aro jobno goioi gothanni thakhoi phithai phuthumo, phograya
37 hagrajon ronjaphanai badi. Manona beaono bathraya
38 nongou: Shashea phoyo, aro gubuna hayo. Nonshor mao-oikhon hano an nonshorkhou thonhorbai. Gubunphra maokhrubdori, aro nonshoro bishorni maokhrubnaiao habbai."
39 An khalamnai manikhon bio anno' kothabai honnanoi, hinjaoa shakhi honai khai, bi nogorni goban Shamariaphra
40 bikhon phothaiashoi. Bini khaino Shamariaphra biniao thanbla, bio bishorniao thathon honnanoi, bishoro biniao
41 khaolaiashoi. Aro bio biao shannoi thayashoi, aro bini
42 khuroi banshin bini bathra khai phothaiashoi, aro bishoro hinjaokhon honashoi: "Jono dano nonni bunnai khai lo phothaia. Manona jono gao gaono khonabai aro mithibai, beno nonthargou shonshami bokhangra honnanoi."

Galilao Jishuni monnoini hankho maonai

43-44 Shannoini unao bio biniphrai Galilao thanashoi. Manona Jishua gaono shakhi hoashoi, nabia gaoni biphani hadorao
45 man mona honnanoi. Bini khaino Jishua Galilao thanbla, bio Jerushalemao phorobao khalamnai manikhon bishoro nunai khai, Galilariphra bikhon najaoashoi. Manona bishor
46 gaoshorbo phorobao thandon mon. Obla bio arbao Galilni Khanayao thanashoi, biao bio doikhon drakha bidoi khalaia' mon. Aro shashe rajani manshi Khaphamahumao don
47 mon, bini bishajlaya jobra mon. Bio Jishukhon Judainiphrai Galilao phoinai khonabla, bio biniao thannanoi khaolaiashoi, bio onkhamanoi gaoni bishajlakhon shokhanai
48 badi, manona bio thoihan han mon. Obla Jishua bikhon honashoi: "Nonshor hankhophor aro shomo nanthao thao
49 habaphor nuabla, nonshoro phothaitharnai nona." Rajani manshia bikhon honashoi: "O Phorbu, anm houasha gothoa thoia shayaono onkhardo!" Jishua bikhon honashoi:
50 "Than', nonni nonshajlaya gothanoino don!" Manshia

Jishu bikhou honnai bathrakhou phothainanoi thanashoi.
51 Bio thanphunaiaono bini lenphra bikhou logo monnanoi,
bini houasha gothoa gothanoino don honnanoi, bino' kho-
52 thayashoi. Obla bio, bobbe mugayao biha hamjena' honnanoi,
bishomiaio shonashoi. Bishoro bikhou honashoi: "Mia
53 mugashniniao lomjanaia bikhou nagarbai." Obla biphaya
mithiashoi, Jishua bi mugayaono bikhou hona' mon:
"Nonni nonshajlaya gothanoino don." Aro bio gaono
aro bini nokhor mania phothaiashoi. Jishua Judainiphrai
54 Galilao thannanoi be monnoini hankhokhou maobaoashoi.

/5

Recent Visitors

[Click to Get](#)  FEEDJIT